

釋惟靜著
釋圓乘校

佛教歷史

江蘇廣陵古籍刻印社

6949.2
562

1
釋惟靜著
釋圓乘校

佛教歷史

上




A0814185

江蘇廣陵古籍刻印社

○佛法宗源


佛教畧史卷一

法界性



空劫前
混沌內
有一物
先天地
在人身
名性體
能爲佛
能爲祖

○諸佛三身四士




一眞法界。湛寂圓融。暨窮三際。橫徧十方。清淨法身。毘盧遮那佛。
華藏世界。坐大寶蓮。得四無畏。妙相莊嚴。圓滿報身。盧舍那佛。
娑婆世界。三界大師。四生慈父。人天教主。三類化身。釋迦牟尼佛。

○釋迦垂跡

娑婆教主本師釋迦牟尼佛。

○周

○示現八相成道



○兜率降生

佛本行經云。護明菩薩告金團天子。往昔一生補處菩薩所託生者。家有六十種功德。母有三十二相具足。今悉如是。卽下兜率天降神迦維羅國淨飯王宮。第一大妃摩耶夫人。爾時眠寤之際。見菩薩乘六牙白象騰虛而來。從右脇入身而住。十月將滿。瑞應先現。夫人遊藍毘尼園。舉右手攀波羅叉樹枝。菩薩卽從右脇而生。自周行七步。曰。天上天下。唯吾獨尊。

案周書異記云。昭王二十四年甲寅四月八日。江河泉池忽然汎漲。井水溢出。山川震動。有五色光入貫。

述意

太微遍于西方。盡作青紅色。太史蘇由奏曰。有大聖人生于西方。一千年外。聲教及此。王卽勅鑄石埋于南郊天祠前。此卽佛生之時也。

當此方周昭王九年甲寅四月八日。又云二十四年。詳考諸書。年有同異。總之此方甲子。雖肇自黃帝。然史記稱共和以來。始可徵信。又遭秦火。古書少存。東西年代。歷久重譯。難可憑定。存一而已。

○祈神占相

如來初生之時。大王卽將太子往詣天祠。梵天形像皆從坐起。禮太子足。歎未曾有。王又令訪得聰明相。

師占太子相。師言是王之子。乃世間之眼。猶如真金。有諸相好。極爲明淨。若當出家。成一種智。若在家者。爲轉輪聖王。統四天下第一之最。又有梵仙。名阿私陀。具足五通。由香山騰空而至。王大喜慰。夫人抱太子欲禮仙人。時仙人止王曰。此是天人三界中尊云。何而令禮於我耶。仙人卽起合掌禮太子足。王及夫人白言。唯願善相太子。仙人相已。忽然悲泣。不能自勝。王及夫人見彼仙悲泣。舉身戰怖。生大憂惱。卽問仙人。我子有何不祥。而悲泣耶。答言。太子相具足。無有不祥。但恨我年已百廿。不久命終。生無想天。不覩

佛興。不聞經法。故自悲耳。

○讀書習藝。納妃得子。

悉達太子七歲。延師習世間書典。及技能等事。無不通。勝十歲。與兄弟角力。擲象城外。射穿鐵豬銅鼓。太子年十七。王集諸臣。而共議言。訪擇揀選。爲太子納妃。第一瞿夷。第二耶輸。第三鹿野。雖納爲妃。恆與行住坐臥。未曾有世俗之意。但修禪觀。諸女疑太子不男。太子指耶輸妃腹曰。却後六年。爾當生男。遂以有娠。于後有人言。太子出家。已有六年。何得有娠。汙辱我族。釋種欲以火坑焚燒母子。耶輸自恨無事。立大

誓願我若邪行。隨火消化。若實不虛。火化蓮池。耶輸
跏身坑內。花卽承之。後生兒似太子。父王大喜。作百
味歡喜丸奉佛。後佛化五百比丘如佛。羅睺羅持丸
與佛鉢中。方驗不虛。無不讚歎。

○逾城出家

太子十九歲出遊四門。見生老病死者。心深痛念。卽
北門見僧。生大欣樂。父王恐其出家。愈增樂欲防衛
甚嚴。二月八日夜淨居天報言。太子出家時至。遂乘
馬踰城。時年十九。至檀特山。拔劍斬髮。入彌樓山。阿
藍迦處。習不用處定。今依五年遊歷。六年苦行。三十

成道之教也。

○世尊成道

世尊自思苦行非正解脫。吾當受食而後成佛。卽沐浴于尼連河。天神爲之偃樹。世尊援之而出。受牧牛氏女所獻乳糜。尋詣畢鉢樹下。天帝化人擷瑞草以藉坐。景雲祥風四起。紛披天魔。念世尊道成。且受折抑。率眾作難。窮現可怖。可欲諸境。世尊皆泊然不動。以指按地。地大震動。魔皆顛仆。於是降之。故經云。以無心意。無受行。而悉摧伏諸外道。先歷試邪法。示諸方便。發諸異見。令至菩提。然後入正三昧。於明星出。

時廓然大悟成等正覺。乃歎曰。奇哉。一切眾生。只有如來智慧德相。但以妄想執著。不能證得。時年三十矣。

○正法時代

藏	通	別	圓
生滅	無生	無量	無作


譯

○說法度僧


佛成道已。先於鹿苑中。說四諦法。度憍陳若五人。爲比丘。成阿羅漢。是爲僧寶之初。度優樓頻羅迦葉等千人。度舍利弗目犍連二百五十人。共一千二百五十人。感佛深恩。常隨侍從。須達長者布金買園。祇陀太子。施樹建寺。世尊又升忉利天。爲母說法。優闍王

思慕如來造旃檀佛相佛授記千餘年後汝往震旦
廣利人天又檢約徒眾創治戒律阿難請佛度摩訶
波闍波提比丘尼等。

○十大弟子



○華嚴法界



論曰。法界者。一切眾生身心之本體也。從本已來。靈明廓徹。廣大虛寂。唯一眞境而已。無有形貌而森羅大千。無有邊際而含容萬有。昭昭于心目之間。而相不可觀。晃晃于色塵之內。而理不可分。非澈法之慧目。離念之明智。不能見自心如此之靈通也。故世尊

初成正覺歎曰奇哉。我今普見一切眾生。具有如來智慧德相。但以妄想執着而不能證得。於是稱法界性。說華嚴經。全以真空揀情事理融攝。周遍凝寂。是之謂法界大旨。

○三千大千

一世界。	如是千	如是千	如是千	統云三千大
一日月。	世界名	小千名	中千名	大千世界爲一
一須彌。	一小千。	一中千。	一大千。	佛所教化境。

○華藏世界

此一世界種有二十層。每層皆有世界佛名。未及全

錄此乃無盡華藏世界之一。若欲廣明請閱全經。

佛身長壽第一


普照十方熾然寶光明世界種種
妙寶談世界福德相光明佛

上七層

娑婆世界毗盧遮那佛

下十三層

最勝光徧照世界



此中下層有世界名最勝光徧照。一佛刹微塵數世

界圍繞向上過佛刹塵數世界。乃至二層種種香蓮花妙莊嚴世界。有二刹塵世界圍繞。次第至十三層娑婆世界。有十三刹塵世界圍繞。乃至二十層妙寶嚴世界。有二十刹塵世界圍繞。統計一世界種。有不可說佛刹微塵數。三千大千世界也。

○拈花傳法

大梵王問佛決疑經云。佛在靈鷲山中。大梵天王以金色波羅花。持以獻佛。世尊拈花示眾。人天百萬悉皆罔措。獨有迦葉破顏微笑。世尊曰。吾有正法眼藏。涅槃妙心。付屬於汝。善自護持流傳。無令斷絕。偈曰。